

GALATIAFỌ

Kukue Ko Paulo Lɛwɔni Ʋtɔ Galatiafọ

¹ Kukue komfo etsyi mɔ, Paulo, wɛ ni ɔtɔnkpe ɔflo. Mɔ, Paulo, nwɛ eto bokpadi dimentsyi utidinini saa ɔflo nye eye lɛ utidi saa ɛsuɛ, bomu Bonamute Yesu Kristo ku Boanto Onanto wɛ lɛtakasɛ Yesu utsyiko ɔkɔmɛ ɔboko nkɛpɛ ɔflo. ² Mɔ ku mɔ bayimi bafokanɔfɔ kenke ba nkpe mfo nɛ kukue komfo bɔwɔni kɛsiɛsɛ mi bafokanɔfɔ eto etsyukpa kenke nnya nkpe lɛ Galatia katsyese.

³ Lɛ Boanto Onanto ku Bonamute Yesu Kristo eto lefonɛ lɛ disikɔ mi, ditɛ mi diyuɛ.

⁴ Yesu Kristo ɛfi wɛ ɛsuɛ Ʋtɔ lɛ bo abua eto disi nkɛ lɛ ulɛkɛ bo utsyiko lɛ mmi eto kawunsia bua ka bunsia mfo eto abuyifoyifo ɛsuɛ. Yesu Kristo ɛyifo nyamfo, nnya ni bo Anto Onanto eto lelabi nɛ. ⁵ Atɛsɛ itɛ Onanto itsyi manlo isu manlo. Ibɛ itɛ.

Onanto Eto Ditiki Sɛɛ Lɔni Ete Nkpe.

⁶ Iyifo mɛ naa tinti bɛ kayinkɛnɛ mfo ete ini nya himfi bɛnɛ budu lɛ nwɛ lɛkpadi mi eye lɛ Kristo eto lefonɛ ɛsuɛ, ekesu kɛtɛkɛko ditiki bamba kama. ⁷ Sitintii, “Ditiki Sɛɛ bamba saa ensibɛ,” nya nɛ nyamfo bɔtɛyi itsyise betidi bɛtsyuɛ lɛ bola bɛ baabiasɛ mi nsusu, nya banɛ bokplatsya bɛ baaflo ma Kristo eto Ditiki Sɛɛ nɛmɛ. ⁸ Fɛɛ lɛ bo nye Onanto eto ɔtɔnkpe utsyuɛ etsyi kato, nya ubɛ nkɛ woatɛyi mi Ditiki

Sɛɛ bamba nə lenni lesa nə bóbe letsya bóteyi mii, Onanto læ unə wə koto ɔtsyɔsə wə læ utə. ⁹ Bóteyi mi nnya bunyə nya minsi minle mi nnya ke bóteyi bio minkə, læ utsyuə bamba saa esi ubə nkə woateyi mi Ditiki Sɛɛ bamba nə lenni lesa nə bóbe letsya bóteyi mii, Onanto læ unə wə koto ɔtsyɔsə wə læ utə.

¹⁰ Nyale nnya minle bóteyi mfoo, bibu biə betidi eto atesə minle bəbɛbɛ? Owo lo! Inni nko ini. Lesa nə mimbɛbɛ ni bə læ Onanto eto kɔni læ kutəkə læ nnya əsuə. Bola minla miə maalekɛ læ betidi ɔflo lee? Lə nko ini minla miə meeyifoo, eni membuyifo Kristo eto uyifoyifo.

Paulo Ɛbə Ofiani Ɖɔnkpɛ.

¹¹ Mɔ bayimi, nla miə maateyi mi miə Ditiki Sɛɛ nə maabe letsyaa, dientsyi utidinini saa ɔflo.

¹² Mámfo ni ntsyiko utidi saa ɔflo, nye kutsyuə saa tsya léte mɛ ni. Bomuu, Yesu Kristo kosate díləkə ni óte mɛ.

¹³ Bɛnɔ nkpə bo mínsiə mímfɛ læ lefe nə eto lefe mindi Yudanyə kosate kosate. Báteyi mi kase mínti Onanto eto besumunyə eto ditsyukpa kama kaminsə mənɔmənɔ nya míkplatsya kekɛkɛ miə læ mba ni. ¹⁴ Mbə nso mɔ Yudafɔ eto babentsyuə kpə læ Yudafɔ eto kesumu əsuə nya minke otsyɛkɛ kekɛkɛ læ bo banamə eto akpayifoyifo əsuə. ¹⁵⁻¹⁶ Fɛɛ læ Onanto eto lefonə esoo, úləkə mɛ útsyɛ fɛ bá le mɛ, nya ókpadi mɛ nkə mbə nyifo wə keyifo. Únə mɛ kafo úləkə wə ubi óte mɛ nkə læ nsu mbe wə Ditiki Sɛɛ nəmə letsya ntə mba lenni Yudafɔ. Ménsu kuutsyuə saa ɔflo nsu mfo nsusu ¹⁷ nye nsu Yerusalem nsu nyə mba ni batɔnkpɛ mfó fɛ Onanto díləkə mɛ.

Bomuu, ndu nsu Arabia lamfolamfo fe kamaa, mínsinkli mímbə Damasko.

¹⁸ Ale ətsyə kama fe mínsu Yerusalem mínsu mínyə Petro nya mínsiə lə wə oflo lefosi eyi anə.

¹⁹ Fəə mənnyə batənkpe bamə eto kuutsyuə tsya, enso Yakobo wə ni Bonamute eto əyimisani hā.

²⁰ Nya lə sitintii, Onanto kosate yi nkə ditiki nə minlə mi bəwəni mfoo, inni sidia minlə boteyi.

²¹ Lə nyamfo eto kama tsyaa, nsu Siria ku Kilikia eto akpə mfó. ²² Lə lefe nəmfoo, Kristo eto bafokanəfo eto etsyukpa nnya nkpe lə Yudea eto kasə mfó, mənnyə mə tə bənyə. ²³ Lesa nə hā bánə betidi díkatəyi ni bənkə, “Osani utsyuə wə ləke úkate bo ohiā nya ókplatsya nkə lə ətsyoləsə bəfokanə boməə, wə bomu díbə ənlə mu letsya bobə məmə nə.” ²⁴ Lə nyaso básə Onanto ani lə mə disi.

2

Paulo Ésu Ótsya Ku Bafokanəfo Eto Batənkotənkə.

¹ Lefosi ale ana kamaa, nsinkli nsu Yerusalem ku Barnaba. Nkpa Tito tsya nyenko. ² Nsu mfó itsyise Onanto díləkə nnya óte mə nko. Nya lə mə bətsya butsyuə ku mba ni batənkotənkə maate hā əsuəə, nləkə letsya nə maabe kətə mba lenni Yudafo itsyi lə Ditiki Səə nəmə əsuəə, nte mə. Itsyise maanla miə keyifo ka mínyifo lə lefe nə lefee ku nka minlə buyifo lə kayə buyifo kebimba. ³ Bánhiə Tito, mə əyetsyuə, wə ni Grikinyə boə ola lelo. ⁴ Ite bə bətsyuə ála bə eni ola ni kokooko. Fəə betidi bətsyuə ba díyifo mə əsuə fe bayimitsyuə ba léfo bánəə, éyu bédufə lə

bo ditsyukpa nti fe mba laaso asakanօ lօ babեբե kusu ko hօօյե babiasօ օsuօ օsuօ busiօ bo Kristo Yesu dիtօ bo, lօ beyifo lօ bofiani ndomufօ. ⁵ Բեբե se ini bola boola boօ յnukuale wօ nkpe lօ Ditiki Տեբե nօmօ lօ lօբօ lօ utsyuօ saa lօ unyօ esoo, bօantօնօ lօ mօ ditiki nօmօ օsuօ kon.

⁶ Բեբե betidi ba mօօnyօ fe batօնkotօնko benii, mօntօ mօ nsusu fօfօ saa. Nlօ mօ bokpo nko tsyaa, mօօ, ini յտօնkotօնko lefe mօ. Itsyise Onantoo, waambe betidi eto օnօmi. ⁷ Bomuu, bօnyօ bօ Onanto dիtօ mօ keyifo nkօ nsu mbe Ditiki Տեբե nօmօ letsya ntօ mba lenni Yudafօ, fe kase ւֆի Ditiki Տեբե nօmօ eto letsyabebe kօtօ Yudafօ օkpe lօ Petro eto kօni. ⁸ Nya Եյե lօ Onanto eto օsuօale օsuօօ, օtsyese mօ, fe wօ յտօնkpe itօ mba lenni Yudafօ fe kase յյելօ օsuօale օsuօ օtsyese Petro wօ յտօնkpe itօ Yudafօ seka. ⁹ Yakobo ku Petro ku Yohanes ba beeffi fe batօնkotօնko itօ bafօkanօfօ eto etsyukpaa, օnyօ bօtsyօ lekpo bօ Onanto dիֆի keyifo kamօ օkpe mօ lօ ani. Nyaso bօtօ Barnaba ku mօ kօni, nyamfo lete bօ bօfօ bo fe mba nlօ keyifo kani eto okle buyifo lօ bօtsyօօ. Bօse nnya uyi boօ Barnaba ku mօօ, ebuyifo keyifo lօ mba lenni Yudafօ nti, nya mօօ tsya luuyifo keyifo lօ Yudafօ nti. ¹⁰ Nnya hօ bօtօ betsyiko lօ bo յfօ ni bօ, lօ bokloma kase hօօլե bakombo ba nkpe mօ lenti, bunyօ mօ kaminsօ. Nnya nyamfo eyifo lesa nօ mintsyա ditsyue mիntsyօ miօ muuyifo.

Paul Զtaka Մնյօ Lօ Petro Էsuօ Lօ Antiokia.

¹¹ Lefe nօ Petro dիbօ Antiokiaa, ntaka նյօ lօ wօ օsuօ itsyise ւյիֆօ lesa nօ dimanlekօ kon.

¹² Itsyise fɛ betidi ba Yakobo létsyese lúubə bedufəə, Petro ku wə bayimi ba lenni Yudafɔ kátsya kedi lesa kakɔ. Fɛɛ se betidi bamə díbə koo, ɔye lesa budi ku mə nya údu úsu mba díbə eto lekpaɛ, itsyise óte sikpi læ betidi ba díkatɛyi bæ ele bæ mba lenni Yudafɔ la lelo əsuə. ¹³ Yudafɔ eto bafokanɔɔ bamba tsya étsyiko sikpi bote kətəkəko Petro kama. Barnaba tsya éyifo nko ke útəkəko mə kama.

¹⁴ Nya se mínyə miə bányɛ læ Ditiki Sɛɛ nəmə eto kusu əsuə esoo, ntɛyi Petro læ məmblɛ kenke eto ənəmi minkə, “Yudanyə feni, fɛɛ esi nkɔpə fe nwə lenni Yudanyə, nya inni nko ele bæ Yudanyə siə nkɔpə. Ntsyə ibə bæ alɛ bokplatsya fə aayinkə mba lenni Yudafɔ akpɛ fə bəsiə nkɔpə fe Yudafɔ?”

Yudafɔ Ku Mba Lenni Yudafɔ Ɔnyə Buləkə Ɔye Lə Bofokanɔ Ɔsuə.

¹⁵ Sitintii, Yudafɔ buni bále bo, bunni mba bále lenni Yudafɔ ba ni babuayifo. ¹⁶ Fɛɛ buyi boə Onanto aalɔ wə ku utidi eto nti ɛye læ wə bofokanɔ bo utidi nkɔpə læ Yesu Kristo əsuə. Nya inni læ wə buyifo læ kɔfi əsuə eso. Bontsya áfo Kristo Yesu bɔnɔ, læ nnya eso Onanto álɔ bonko wə eto nti ɛye læ bo Kristo bofokanɔ əsuə eso. Nya inni læ nnya boeyifo læ kɔfi əsuə eso. Itsyise Onanto mánlɔ wə ku kuutsyuə saa eto nti ɛye læ kɔfi komə eto kotobutsyue əsuə eso.

¹⁷ Lə nyaso bɔlɛ bokplatsya boə Onanto lɔ bonko wə eto nti ɛye læ Kristo əsuə. Fɛɛ læ buyifo nko fɛ utsyuə ləənyə bo fe mba leeyifo asa bua fe kase mba lenni Yudafɔ ntee, bote ɛnlɛ bæ Kristo aatɔnɔ ku lebuayifoyifo? Owo lo, kulefe!

18 Lə nyε kɔfi buyifoo, míndi ko minwui, nya mínsinkli minle ko botakasə kənyənsəə, nyalε mɔ kosate le mɔ əsuə buləkə kate fe nwə laanye lə kɔfi əsuə. 19 Itsyi lə kɔfi əsuəə, mbofiani ukpənkpə, kɔfi komə kosate lélo mε, bə lə nsia nkpə ntə Onanto bomu. 20 Bonko Kristo básɔ bāmanklasə lə uyikabie əsuə. Nya insini mɔ ni nsi nkpə, bomu Kristo nsi nkpə lə mε. Nya nkpə bo minsi mɔmɔ lə sinə əsuəə, nsi mu eyε lə əsuəale nnya maafɔ se mímfɔ Onanto eto Ubi míno eso. Wə ni nwə dífi wə nkpə útə lə mɔ disi, itsyise waala mε. 21 Məmbuləkə Onanto eto lefonə nə weefi kətə betidi nwui kulefe. Itsyise lə yofobudi bə utidi ebuyifo ɔsεε lə Onanto eto ənəmi eyε lə kɔfi əsuəə, nyalε elε bote bə Kristo eto ukpə wə úkpəə, eyifo ubimba.

3

Onanto Itə Mi Wə Ləwɔnɔ Eyε Lə Mi Wə Bofokanɔ Eso.

1 Mi, Galatiafo, bamumu! Owoe kon lébiasə mi nsusu mmə? Inni mi kosate eto ənəmi bələkə báte mi kase Kristo eto ukpə leyε lə wə bɔsɔ kamanklasə lə uyikabie əsuə? 2 Bitə lə nto mi ditiki nəmfɔ. Onanto eto Ləwɔnɔ nə béfoo, béfo ni eyε lə kɔfi komə buyifo əsuə lee, eyε lə Ditiki Sεε nəmə bɔnɔ kafo ni kanɔ əsuə? 3 Bamumu bini nkomə? Se bitsyə nkpə kasɔ ku Onanto eto Ləwɔnɔ eto əsuəalee, bela benle mɔmɔ biə biefi mi kosate eto əsuəale belosə? 4 Nyalε, bela biə nnya kenke əsuə bεyε bínyə, yifo ebimbale? Fεε yembuyifo ebimbale nko nkpə! 5 Kase bíyifo lə kɔfi əsuə eso Onanto dífi wə Ləwɔnɔ útə mi,

nya onle ayanisa buyifo læ mi nti lee, eye læ kase biano wə Ditiki Σεε nəmə kafo ni kano eso?

⁶ Bibu Abraham bebe læ kase Awonisa Kenke nle boteyi nkə, “Se ófo Onanto óno esoo, Onanto ənyə nkə úyifo utidi σεε.” ⁷ Nyaso ele bæ binyə bitsyə lekpo biə mba nkpe bofokano, mə ni Abraham eto bebi nε. ⁸ Awonisa Kenke nyamə áteyi itsyə nkə Onanto ebolo wə ku mba lenni Yudafɔ eto nti. Nyaso Awonisa Kenke ábe Ditiki Σεε nəmə letsya útə Abraham nkə, “Eye læ fə əsuə Onanto ebokpo betidi kenke atsyɔ.” ⁹ Abraham áfo óno, nyaso bákpo wə atsyɔ nya ku mba kenke léfo bánɔ tsya.

¹⁰ Ekudi te itə mba nsi nkpe læ afi əsuə, itsyise bawoni bətsyə læ Awonisa Kenke əsuə bæ, “Utsyuə saa ke lembutsyue asa nnya kenke bawoni bákpe læ Afi eto Kukue kotoo, ekudi ebutəkəko wə.” ¹¹ Sitinti ekpa wuee bənkə Onanto eembu kuutsyuə saa nkə uyifo ɔσεε eye læ kase úyifo læ kɔfi komə əsuə eso, itsyise bawoni bákpe læ Awonisa Kenke əsuə bæ, “Utidi wə ke díyifo ɔσεε læ Onanto eto ənəmi eye læ bofokano əsuə, wə hã luusiə nkpe nε.” ¹² Fεε kɔfi komə ménfi kukətsyuə læ bofokano əsuə. Bomu fe kase Awonisa Kenke leteyi, “Utsyuə saa ke leeyifo læ lesa saa nə kɔfi komə leto əsuə, ebusiə nkpe eye læ nnya əsuə.”

¹³ Fεε se Kristo léfiani ekudi læ bo disi esoo, úləkə bo utsyiko læ kɔfi komə eto ekudi əsuə, itsyise bawoni bákpe læ Awonisa Kenke əsuə bənkə, “Onanto eto ekudi ebutəkəko utsyuə saa wə boolo læ bofakasə læ uyi əsuə.” ¹⁴ Kristo éyifo nyamfo bæ læ atsyɔkpokpo nnya Onanto leteyi

utsyæ nkæ yuutækæko Abraham, læ itækæko mba lenni Yudafó tsya eyæ læ Kristo Yesu æsuæ, bæ læ eyæ læ bofokanó æsuæ, bo tsya læ bofo Læwónó næ Onanto dítsyæ kenye útsyæ bo.

Letekæke Ditsyuæ Kpe Læ Kófi Ku Kenyetsyætsyæ Eto Nti.

¹⁵ Mò bayimi, nla miæ meefi ditsyæbi ditsyuæ nkatesæ ko bo diyi saa diyi eto nkpæ bo bunsí. Læ betidi inuæ átónó nya báse uyi læ ditiki ditsyuæ æsuæ, mæ nti eto kuutsyuæ æmbæ kusu laaba ni nye ufi kulesa okpe læ ni. ¹⁶ Kase inii, kenye ka Onanto dítsyæ, útsyæ ke útæ Abraham ku wæ ubi. Nya læ Awónisa Kenke eto Kukue æsuæ, Onanto méndi etiki óteyi nkæ Abraham ku wæ bebi. Læ óteyi nkæ ku wæ bebii, nyale elé bote bæ bebi bamæ fui. Bomu nnya óteyi ni nkæ wæ ubi. Nya nyamfo læ bote nkæ utidi óni kplo ónlæ. Nya utidi æmæ ni Kristo. ¹⁷ Lesa næ minle bóteyi ni bänkæ, Onanto ákle kenye ku Abraham, nya útsyæ kenye nkæ wuuyifo læ ke æsuæ. Nyale lofa ana alæ fosi ana ku awosi ætsyæ læ nnya kama eto kófi ko Onanto díttæ Moses, embofo kenye ka Onanto lékle útsyæ mfó bóninsæ. ¹⁸ Nya læ Onanto eto ætæsa nyamæ ye læ kófi komæ æsuæ, nyale yinsiye læ wæ kenyetsyætsyæ kamæ æsuæ. Fææ inni nko ini. Bomu eyæ læ Onanto kosate eto lefonæ æsuæ, nya úfi ætæsa nyamæ útsyæ kenye útæ Abraham næ.

¹⁹ Nyale be ni kófi komæ eto kutækæ kon? Béfi kófi komæ báboko bæ læ bunyæ lesa næ ni lebuæ, nya yuutsyæ nko isu ese lefe næ Abraham eto ubi æmæ luubæ. Wæ ini eso Onanto dítsyæ kenye

kamə nɛ. Onanto eto batɔnkpe léfo kɔfi komə báboko bo ɛye læ utidi wə ńyə læ bonko Onanto læ nti. ²⁰ Fɛɛ utidi lænti mensife, se ini wə ɔni əmə ke nɛ lesa saa buyifo eso. Nya wə ɔni əməə ni Onanto.

Kɔfi Ayɛnko Bo Bə Bunyə Kristo.

²¹ Bote yenɛ bæ kɔfi komə ńyə læ Onanto eto kɛnyɛtsyətsyə əsuə? Owo lo, kulefe! Itsyise læ nnya ete kɔfi komə nkpe əsuəale bæ kutə utidinini nkprəə, eni efe bæ utsyuə saa ebuyifo læ kɔfi əsuə læ uyifo ɔsɛɛ læ Onanto eto ənəmi. ²² Fɛɛ Awɔnisa Kɛnkɛ eto Kukue átɛyi nkə kawunsia kɛnkɛ kpe læ lebuə eto əsuəale kalɔ, nyaso ətəsa nnya Onanto ditsyə kɛnyɛ útsyə nkə wuutə betidi ba nkpe bofokanɔ læ Yesu Kristo əsuəə, mə ni mba Onanto leefi kətə nɛ.

²³ Fɛɛ isu ese lefe nə bofokanɔ læ Kristo əsuə díbəə, kɔfi komə éti bo kɔkpe fe mba bėti bákpe banlabɛ læ diyo isu ese lefe nə Onanto luuləkə bofokanɔ læ Kristo bomfo oboko. ²⁴ Nyaso kɔfi komə ékabe bo, isu ese lefe nə Kristo díbə, bæ læ buyifo baseɛ læ Onanto eto ənəmi ɛye læ bofokanɔ əsuə. ²⁵ Nya mɔmɔ se Kristo bofokanɔ díkəbəə, kɔfi komə ensiabɛ bo.

²⁶ Mimbɛ kɛnkɛ áfiani Onanto eto bebi ɛye læ Kristo Yesu bofokanɔ əsuə. ²⁷ Mimba kɛnkɛ léfo ntufɛsəfləsə eto lekpa nəmə bæ læ biyifo bani ku Kristoo, bifi Kristo bɛkpe fe awu seka. ²⁸ Nyaso letekɛkɛ saa ensibə læ Ýudanyə nye Grikinyə eto nti, lee ndomunyə nye nwə nsi læ wə əsuə əsuə eto nti lee osani nye usio eto nti. Itsyise mimbɛ kɛnkɛ áfiani bani læ lɔniyifoyifo ku Kristo Yesu əsuə. ²⁹ Lə biyifo Kristo eto olee, itə bæ biyifo

Abraham eto kafe eto bebi, itə bə biyifo kenye ka Onanto dítsyə eto mba luudi ke bikə.

4

¹ Lesa nə minle bətəyi ni bənkə, lefe nə ubi wə luudi wə anto eto bikə fe díyifo dikpefi, ubi əmə eyifo fe utidi wə ni ndomunyə seka. Ite bə lesa saa eyifo wə lele tsya fe. ² Lefe nə uni dikpefi, betidi kpe laabe wə kale wə ku wə bikə ola isu ese lefe nə wə anto dítsyə. ³ Nko əmə ke ini itə bo əmə tsya lə bo sikpefi lefe, bəke lə awəncə nya leke lə kawunsiə eto əsuəale kalə fe ndomufə seka. ⁴ Fεε se lefe nəmə léyoo, Onanto átsyese wə kosate eto ubi. Útə usio ále wə nya əkε lə Yudafo eto kəfi kalə ⁵ bə lə ofo mə disi eto kayo utə mba nkpe lə kəfi komə kalə bə lə bofiani wə Onanto kosate eto bebi. ⁶ Onanto aala nkə wələkə ote nkə wə bebi bini, nyaso ótsyese wə Ubi eto Ləwəncə lə bo utu kəmiə katəyi nkə, “Abba” eto kasə ni nkə, “Mə Anto!” ⁷ Nko ini bə lə Onanto esoo, ensini ndomunyə bio, bomu Onanto eto ubi wə luudi wə bikə.

Paulo Eto Nsusu Elə Wə Lə Galatiafo Əsuə.

⁸ Lefe nə léfe məə, bíante Onanto, nyaso bíyifo ndomufə bitə əsuəale nya lenni Onanto eto ale. ⁹ Fεε məmə əmə bimfi binyi Onanto nye mətəyi minkə Onanto mfe nyi mii, beso bela biə biesinkli bifi əsuə bitə kawunsiə eto awəncə nnya ləmbə əsuəale saa? Beso bela biə bífiani mə ndomufə bio? ¹⁰ Nya biləkə eyi ku afa ku lefe ku ale ətsyuə bitsyə nya biesu keyifo akpa ətsyuə lə nnya əsuə? ¹¹ Sikpi aale mə kətə mi lə nnya əsuə.

Nya yeeyifo me fe keyifo ka mínyifo míntə mi kenke eyifo kebimba.

¹² Mə bayimi, nle mi lekpakpa miə bekase me lə bele me. Itsyise mintsya te fe mi ke. Nya bíenyifo me kabua saa. ¹³ Biokloma diyí tute nə mímbə mi oflo mfóo, se ini Ditiki Səe nəmə ete mímbə mínteyi mi, əsuə tsya mánke me ale. ¹⁴ Ite bə kase əsuə dítsyə me ini bufi lékpe me bulə nya díyifo mi boto kabe tsyaa, bianyani me bitsyə nye beni me. Bomu befo me fe kase biofo Onanto eto ɔtɔnkpe, nya béfo me tsya fe kase biofo Kristo Yesu əmə kosate. ¹⁵ Disuəyuə ku lelabi nə béte me lefe nəmfó, se yéfe mɔmɔ? Moofó nnya adansie budi katēyi minkə, lə nnya ete yofo kusu butə eni bitatēyi biə biənə mi ənəmi biləkə bitə me fe. ¹⁶ Lee, se mínteyi mi ditiki nəmə eto ɔnukualə eso mímfiani mi olo?

¹⁷ Mba ləsesə ənəmi lə mi əsuəə, bɔwe ete banle mi. Kusu ete banle bɔbɔbɔ bə lə bəfə mi lə me əsuə, bə lə bitsyi bəwuninsə bifi mi əsuə bitə mə hā mate eso. ¹⁸ Eleke bə ənəmi sɛɛ utidi lə lesa sɛɛ eto buyifo əsuə titlu lə nsusu bo eso nkə weeyifo lesa nəmə lə lələke. Nya ele bə itsyə nko lefe saa inni lə lefe nə minkpe mi lə oflo hā ete. ¹⁹ Mə bebi lala! Iyifo fe kase ambe laake lə kalelefo eto bunə əsuə, nko ke minle kanyi bunyə lə mi disi isu ese lefe nə muunyə miə Kristo eto ditsyabi edufə mi lə əsuə kenke ne. ²⁰ Lə mi oflo minkpe mɔmɔɔ, eni eleke itə me tinti, nya mɔ ɔkɔɛ ta floma iləkə ete kase binte itə me. Ele me bulə tinti lə ləkəesi lə kase binte əsuə!

Etiki Itsyi Lə Hagar Ku Sara Əsuə.

²¹ Nla míə maato mimba lela biə kofi komə təkə mi kato etiki nyamfo, bənle bono kase kofi komə nle bətəyi? ²² Kələ bətəyi nkə, bebisaibi inuə ləkə Abraham. Utute ni ndomunyəsio eto ole. Nya unuəfə eyifo diyo eto kusia ko bətə wə eto ole. ²³ Ubi wə ndomunyəsio əmə léle útə wəə, bále wə fe kase osani ku usio ləəsiə kale ubi. Fə ubi nuəfə əmə abo utsyi lə diyo eto kusia ko bətə wə əsuə wə ini ətəsa nnya Onanto letəyi útsyə lə lefe nə osani ku usio dímensibe kusu itə bolé.

²⁴ Asa nyamfo lə asa ətsyuə eto okle bote. Besio inuə bamfo n̄yə lə kənyeklekle koko ku kafɔfo eto kənyɛ. Mə ɔni ni Hagar, nya bebi ba óle, eyifo ndomufɔ, nya in̄yə itə kənyɛ ka bákale lə Sinai eto Kɔtini. ²⁵ Hagar wə n̄yə itə Sinai eto Kɔtini lə Arabia eto kasɔ əsuəə, eyifo fe lekpa nə nle bote kase mmi eto Yerusalem ku mba nkpe lə wə kenke nsi ni ndomufɔ kokooko. ²⁶ Fə Yerusalem wə nkpe kato ale si ute lə wə əsuə əsuə. Wə ni n̄yə itə bo ambe nɛ. ²⁷ Itsyise Awɔnisa Kenke eto Kukue átəyi nkə,
“Fə okono, nyə disuəyuə!

Fə usio wə dímanle to ubi ənyə,
fã ku disuəyuə eto binəntu,
fə nwə dímənyə kalelefo eto bunə to ənyə!
Itsyise usio wə wə usə díləkə nsusu lə wə əsuəə,
wə bebi ebufui baso usio wə nsi ku kusə lefe
saa eto bale.”

²⁸ Nya mɔmɔɔ, mɔ bayimi, mi eyifo Onanto eto bebi ɛyɛ lə wə kənyɛ ka útsyə əsuə fe kase útsyə Isak eto kale fɛ bále wə. ²⁹ Lefe nəmfoo, nwə bále fe kase utidinini laale ubii, áti ubi wə bále ɛyɛ lə Onanto eto Ləwɔno əsuə kama nkə lə okpe wə bulə, nya nko ke insi inte mmi nɛ. ³⁰ Fə

be Awɔnisa Kɛnkɛ eto Kukue nle bɔtɛyi? Kɔtɛyi nkɛ, “La ndomunyɛsio ɛmɛ ku wɛ ubi lɛ bedu, itsyise ndomunyɛsio eto ubi ɛmɛ ɛmbɔkɛ kedikɔ saa ku diyo eto usio ɛmɛ eto ole lɛ mɛ anto eto bikɛ ɛsuɛ.” ³¹ Lɛ nyamfo esoo, mɔ bayimi, bunni ndomunyɛsio ɛmɛ eto bebi, bomu diyo eto kusia komɛ eto bale buni.

5

Bisi Bɛkɛ Lɛ Kristo Eto Ɛsuɛ Eto Kalɔ.

¹ Kristo ɛlɛkɛ bo nkɛ lɛ busiɛ lɛ bo ɛsuɛ ɛsuɛ. Nyaso biɛnyɛ kekɛkɛ, biɛntɛ lɛ banyinkɛ mi bakpe lɛ kasɔ bɛ lɛ bisi befianni ndomufɔ bio.

² Bɛnɔ nyamfo! Mɔ, Paulo, nle mi bɔtɛyi minkɛ lɛ bitɛ bɔla mi leloo, nyaalɛ biɛnyɛ kutɛkɛ saa lɛ Kristo ɛsuɛ. ³ Nsi nle mi ato bukɛ bio minkɛ, utsyuɛ saa ke lɔɔtɔnɔ bala wɛ lelo, nyaalɛ usi ufi kɔfi koko komɛ okɛ ɛsuɛ nya ele bɛ uyifo lɛ ko ɛsuɛ. ⁴ Mimba nle bokplatsya biɛ bieyifo basɛɛ lɛ Onanto eto ɛnɛmi lɛ buyifo lɛ kɔfi komɛ ɛsuɛ, te biɛ bilɛkɛ mi ɛsuɛ bitsyiko lɛ Kristo ɛsuɛ. Nya biensi embunyɛ Onanto eto lefonɛ bio. ⁵ Bo alɛɛ, bo kusubebe ni bɛnkɛ Onanto ebuyifo bo basɛɛ lɛ wɛ ɛsuɛalɛ ɛsuɛ itsyise bɔfo Onanto eto Lɛwɔnɔ nɛmɛ ɛyɛ lɛ bo bofokanɔ ɛsuɛ. ⁶ Lɛ buyifo bani ku Kristo Yesuu, bɔla utsyuɛ lelo o-o, bɔnla o-o, yenyifo kulesa. Lesa nɛ nso bofe ete ni bofokanɔ bo nyɛ lɛ bo bɔtsyuɛ eto lelabi ɛsuɛ.

⁷ Kɔɔ bɛkakplatsya tinti. Owɔe diti mi kusu nkɛ bientsyue ɔnukualɛ ɛmɛ koto? ⁸ Inni Onanto wɛ lɛkpadi mi oboko letsyi mi nsusu ɔwuninsɛ nko. ⁹ Ɛyɛnkisɛsa sɛkɛ ete baakpe lɛ nnamfowɔwɔ ɛsuɛ fɛ boataka. ¹⁰ Mifo nnɔ miɛ

Bonamute ebutə nkə boensiembofo kuutsyuə bamba saa eto nsusu enso mɔ nle hã. Nya nwəə ke nle mi nsusu bətsyi kawuninsə tsyaa, Onanto ebunə wə koto kokooko. ¹¹ Mɔ bayimi, lə nnya ete minsi minle letsya bobə kate betidi miə ele bə bala lelo kokooko, beso bensi banle mɛ kama bəti? Lə nko ini, nyalɛ mɔ letsyabebe itsyi lə Kristo eto ukpə lə uyikabie əsuə emboboko bulə saa nkpə. ¹² Nla miə eni betidi ba nle mi nsusu bulə bokpə sukosə setɔ, lə bəkə əsuə kula tsya ko ete lə elo!

¹³ Mɔ bayimi, bokpadi bákpadi mi báboko bə bibə bisia lə mi əsuə əsuə. Fɛɛ mi busia lə mi əsuə əsuəə, menyifo kusutətə itə mi abuayifoyifo. Bomuu, ele bə bifi nnya lə mi bətsyuə bəwunsəko lə lelabi əsuə. ¹⁴ Itsyise kəfi komə eto nnya kənlɛ bəteyi kenke ete ni bənkə, “La fə ɔyimitsyuə fe kase faala fə əsuə.” ¹⁵ Fɛɛ bekpə kobə kukəɔ bə lə bələ asafimfi buyifo bətsyuə, kəmuə bətsyuə kayimii, nyalɛ biəbə bətsyuə bətsyləsə kaləsə.

Onanto Eto Ləwəɔɔ Ku Utidi Eto Ditsyəbi.

¹⁶ Nya minle mi bəteyi ni nkə bitə lə Onanto eto Ləwəɔɔ lə lete mi kase biusia nkpə, lə itə bə bɛyɛ bɔyɛ lə utidi eto ditsyəbi eto asa nnya yəənə utidi kakpə əsuə. ¹⁷ Itsyise lesa nə utidi eto ditsyəbi laala, n̄yə lə lesa nə Ləwəɔɔ laala əsuə nya lesa nə Ləwəɔɔ tsya laala, n̄yə lə lesa nə utidi eto ditsyəbi tsya laala əsuə. Asakpa ənuə nyamfo eyifo balo lə bətsyuə əsuə, nnya eto kasɔ ni bənkə biembofo lesa nə ke biala buyifo. ¹⁸ Lə

Լեւոնո նեմե նյենկո մի, ԵԵ ԲԵ ԲԻՆՏԻԲԵ ԼԵ ԿՈՒ
ԿՈՄԵ ԿԱԼՕ.

¹⁹ ԼԵՏԱ ՆԵ ՄԻԴԻ ԵՏՕ ԴԻՏՅԵԲԻ ԼԵԵՅԻՓՕ ԱԿՐԱ ՎԵԵ.
ԴԻԱԵ ՆԻ ԴԻՏՅԵԲԻ ԼԵ ՏԵՆՈԴԻ, ԱՏԻՏԱ ՅԻՓՅՈՒՓՕ ԿՍ
ԱԿՍԵՏԱ ՅԻՓՅՈՒՓՕ, ²⁰ ԼԵ ԲԵՒԻԹ ԿՐԱԿՐԱ ԿՍ ԼԵ ՏԵՏԻԼՈԼՕ
ՅՏՍԵ. ԿՕԼՕ ԿՏՅԵՏՅԵ ԿՍ ՆԴԻԹ ԴԻԹԻԹ, ԿԵՆՈՆՏԵ
ԿՍ ԿԱՓՕ ՆՅԻՏՏԵՆՅԻՏՏԵ ԿՍ ՄՕ ԱԼԵ ԽԻ ԼԵ ԵԼԵԿԵ
ՅՏՍԵ. ՆՅԱՄՓՕ ԵԵՏԵՏԵ ԲԵԴԻԴԻ ԿՍ ԵՏՅՍԿՐԱ ԵՏՕ
ՆԴԻ ²¹ ՅԵԹԵ ԿԵՆՈՄԻՆՏԵ, ՏԻԵԿՐԵ ԿՍ ԴԻՏՅՍՅՍԵ
ԲԻՄԲԱ ՆՅՈՆՅԵ ԿՍ ՆՅԱՄՓՕ ԵՏՕ ԿԱԿԼԵ. ՆԼԵ ՄԻ
ԿՕԼԵ ԲՕԼԵ ԼԵ ՆՅԱՄՓՕ ՅՏՍԵ ՔԵ ԿԱՏԵ ՄԻՆԿԱԿԱԲՕՏԵՅԻ
ԼԵ ԼԵՓԵ ՆԵ ԼԵՓԵ ՄԵ ՄԻԹ ԲԵԴԻԴԻ ԲԱ ԼԵԵՅԻՓՕ ԱՏԱ
ՆՅԱՄՓՕ ԵՏՕ ԿԱԿԼԵԵ, ԵՄԲՍՆՅԵ ԿԵԴԻԿՕ ԼԵ ՕՆԱՆՏՕ
ԵՏՕ ՏԵԿԱԿԵԴԻԿՕ!

²² ՔԵԵ ԼԵՎՈՆՕ ԵՏՕ ԱՏԱ ՆՆՅԱ ԼԱԱԲՕ ԿԵՏՅԻ ՆԻ
ՅՏՍԵ ՆԻ ԼԵԼԱԲԻ ԿՍ ԴԻՏՅՍՅՍԵ ԿՍ ԴԻՅՍԵ, ԴԻՏՅԵՏՅԵ ԿՍ
ԿԱՓՕԵԿՐԵ ԿՍ ԼԵԼԵԿԵՏԵ ԿՍ ԱՏԱՅԻՓՅՈՒՓՕ ԼԵ ԿՍՏՍ ՏԵԵ
ՅՏՍԵ ²³ ԿՍ ՅՏՍԵ ԿԱՏՕ ԲՕԲՕԿՕՏԵ ԿՍ ՅՏՍԵ ԲՍՄՍԵ
ԿԱԼԵ. ԿՈՒ ՏԱԱ ԵՄԲԵ ԽՅԵ ԼԵ ԱՏԱ ՆՅԱՄՓՕ ՅՏՍԵ.
²⁴ ՆՅԱ ՄԲԱ ՆԻ ԿՐԻՏՕ ՅԵՏՍՕ ԵՏՕ ԲԱԼԵԵ, ԵՅՕՏՕ ԼԵ
ՍՅԻԿԱԲԻԵ ՅՏՍԵ ՄԵ ՅՏՍԵ ԵՏՕ ՏԻՆԵ ԵՏՕ ԴԻՏՅԵԲԻ ԿՍ
ՆՆՅԱ ԼԱԼԵ ՄԵ ՕԿՕԵ ԿԵՆԵ ՄԵ ԿԱԿՐԵ ԼԵ ԼԵԲՍԱ
ՅՏՍԵԹ, ԲԱԼՕ. ²⁵ ՆՅԱ ՏԵ ԻՆԻ ԼԵՎՈՆՕ ՆԵՄԵ ՅՏՍԵ
ԲՕՆՅԵ ԲՍՆԻ ՆԿՐԵԹ, ՆՅԱԼԵ ԲԻԹԵ ԼԵ ԲՍՏԻԹ ՆԿՐԵ ԼԵ
ԼԵՎՈՆՕ ՆԵՄԵ ԵՏՕ ԼԵԼԱԲԻ ՅՏՍԵ. ²⁶ ԲԻՆԹԵ ԼԵ ԲՕԲԵՏԵ
ԲՕ ՅՏՍԵ ԿԱՏՕ, ՆՅԵ ԲՍՆՅԵ ՕԲԼՕ ԲՕԿՐԵ ԲԵՏՅՍՅՍԵ, ՆՅԵ
ԲՕՏԵՏԵ ԵՆՈՄԻ ԼԵ ԲԵՏՅՍՅՍԵ ՅՏՍԵ.

6

ԲԵՎՍՆՏԵԿՕ ԲԵՏՅՍՅՍԵ.

¹ ՄՕ ԲԱՅԻՄԻ, ԼԵ ԼԵԲՍԱ ԵԲԵ ԼԵՏՕ ՄՏՅՍՅՍԵ ԱՆԻ ԼԵ ՄԻ
ՆԴԻ, ԵԼԵ ԲԵ ՄԻ ՄԲԱ ՕՆԱՆՏՕ ԵՏՕ ԼԵՎՈՆՕ ՆՅԵՆԿՕ
ԿՏՅՍՅՍԵ ԿՕ ՎԵ ԲՍԵ ԲԵԼՕ ՎԵ ԲԻՏՅԵ ԲԵ ԼԵ ՕՅԵ

lebua nāmə buyifo. Fɛɛ bebe mi disɪ kukɔnɔ bə mi tsya mendufə lə bulə bomfó eto okle kəmiə. ² Bəwunsəko bətsyuə lə bulə əsuə bə ɛyɛ lə nnya əsuə, biɔyɛ lə Kristo eto kɔfi ko okpe mi əsuə. ³ Lə utsyuə ebu nkə utsyuə eto okle uni fɛ unni nkoo, wə əsuə ete ɔnlɛ bɔwɛ. ⁴ Ele bə utsyuə saa to wə əsuə obe. Lə unyə nkə ɛlɛkɛ, nyalɛ woofɔ wə əsuə kato bobesə lə nnya úyifo əsuə, fɛɛ inni bə lə ufi nnya okatesəko ku utsyuə bamba saa eto ale tsya. ⁵ Itsyise ele bə utsyuə saa tsiyɪ wə kosate eto bikə.

⁶ Utidi wə banlɛ Ditiki Sɛɛ nāmə bofokanɔ botee, ele bə wuntsya ufi asa sɛɛ nnya kenke nkpe wə usie ku wə oteasa.

⁷ Kuutsyuə saa manwɛ wə əsuə. Itsyise kuutsyuə saa embofo Onanto sibuki bubu. Lesa nə ke utidi laato, ni ke wəfəsə nɛ. ⁸ Lə áto asa lə sinə eto alasa əsuə, asa nnya fuufəsə ni ukpə. Fɛɛ lə áto asa lə Lɛwɔnɔ əsuə, lesa nə fuufəsə ni nkpə manlo. ⁹ Boəntə lə ani lə elo bo lə kasɛbuyifo əsuə. Itsyise lə ani manlo boo, lefe ebubə nə buufəsə lesa nə bóto. ¹⁰ Nyaso se kusu nsi nkpə boo, bitə lə buyifo kaseɛ butə utsyuə saa, enso kulaa ni mba buyifo lɔni ko lə bofokanɔ lə Kristo əsuə.

Lesə Nə Lefe Itə Bo Ni Nkpe Fɔfɔ Siasia.

¹¹ Bebe awɔnisa kplɛ nnya mímfɪ mɔ kosate eto kɔni míwɔni mfo.

¹² Betidi ba nlɛ mi bɔnyinkə kakpe bənkə bela alo mfó, mə ni mba laabesə əsuə kato lə əsuə eto asa əsuə nɛ. Beeyifo nyamfo lə betidi lə bayɛ mə bulə bokpe lə Kristo eto ukpə lə uyikabie eto Ditiki Sɛɛ nāmə eso. ¹³ Mba laala alo mfó kulaa

tsya entsyue kŃfi komə koto. Fεε baala bə mi tsya la alo bə lə babesə əsuə kato bə mi tsya efi mi əsuə bekpe lə mə kŃfi kalŃ, bítə bála mi alo.

¹⁴ MŃ alε, mensila miə maabesə mŃ əsuə kato enso lə ukpə wə Yesu Kristo díkpe lə uyikabie əsuə. Itsyise εye lə wə ukpə lə uyikabie əsuə nya básŃ kawunsiə kamə lə uyikabie əsuə lə mŃ disi. Nya εye lə Kristo əmə kē əsuə nya básŃ mintsya lə uyikabie əsuə itə kawunsiə mensile kulesa saa itə mε. ¹⁵ Bála utsyuə lelo o-o, bánla utsyuə lelo o-o, nnya mamfé. Bomu utidi fŃfŃ bofiani ni nnya lefé nε. ¹⁶ Onanto eto diyuə ku kamisə nyənyə lə disiəko mba laayε lə kusu komfo əsuə lə mə nkpə, ku Onanto eto betidi kenke.

¹⁷ Fεfεε, kuutsyuə saa mensilosə mε ɔnwε, itsyise mŃŃ, bεmŃ bia ntəkə mε lə əsuə, lə bote bə Yesu eto ndomunyə mini.

¹⁸ MŃ bayimi, nle bŃtŃ miə Bonamute Yesu Kristo eto lefonə lə disiəko mible kenke. Ibə itə.

**Onanto eto kakle fɔfɔ; Sɛkpɛle
Sekpele: Onanto eto kakle fɔfɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd